

Frá Samtökum tónlistarskólustjóra í Reykjavík - STÍR

Reykjavík 14. 8.2018

Erindi til borgarráðs Reykjavíkurborgar vegna ákvæðis um endurskoðun ársreikninga í þjónustusamningum tónlistarskóla 2017-2018 og 2018-2019

Nýlega barst stjórnendum tónlistarskóla bréf frá Reykjavíkurborg þar sem óskað var eftir framvísun ársreikninga ársins 2017. Þar kom fram að framvegis skuli þeir reikningar vera endurskoðaðir samkvæmt ákvæði í þjónustusamningum starfsársins.

Stjórnendur í skólunum hafa komið að máli við stjórn Samtaka tónlistarskólustjóra í Reykjavík og lýst yfir áhyggjum vegna þess kostnaðar sem slík endurskoðun löggilds endurskoðanda kostar.

Stjórn samtakanna fundaði um málið í dag og fór yfir málefnið. Stjórnarmeðlimum var í fersku minni fundur með frambjóðendum til borgarstjórnarkosninga í maí síðastliðnum sem haldinn var í Austurbæ. Þar mættu fulltrúar fyrrverandi og núverandi meirihluta í borginni og náðust góðar samræður um málefni skólanna, fagleg sem fjárhagsleg.

Eitt af áhyggjuefnum stjórnenda skólanna hefur lengi verið hvernig rekstrarumhverfi skólanna verður sífellt erfiðara. Að sama skapi lýstu margir frambjóðendur, á þá ekki síst fulltrúar meirihlutans yfir áhyggjum yfir þeim aðstöðumun sem tónlistarnemum í höfuðborginni búa við, t.d. hvað varðar há skólagjöld. Skólagjöldunum er ætlað að mæta kostnaði við rekstur skólanna en framlög borgarinnar og jöfnunarsjóðs er að sama skapi ætlað að greiða launakostnað.

Síðustu ár hefur þó ítrekað komið upp sú staða að greiðslur hafa ekki hrokkið fyrir nefndum launakostnaði, sérstaklega á efri stigum sem greiddar eru af jöfnunarsjóði sveitarfélaga. Þetta hefur veikt fjárhagsstöðu skólanna og hefur verið mætt með hækkun skólagjalda og niðurskurði. Einnig hafa margir skólar glímt við hækkun á leigu og ljóst að fastur kostnaður í rekstri, eins og leiga, laun skrifstofufólks og annar kostnaður hefur íþyngt tónlistarskólunum í Reykjavík. Nú bætist við kostnaður vegna endurskoðunnar sem gæti að jafnaði verið allt að einni milljón króna fyrir hvern skóla.

Einnig hefur nú verið bundið í lög að hlutur atvinnurekanda í lífeyrissjóðsgreiðslum hefur hækkað og við það bætist að ekki er fylgni milli launahækkanna tónlistarkennara og framlögum ríkis til jöfnunarsjóðs til handa tónlistarskólunum.

Þegar allt þetta safnast saman er ljóst að aukinn kostnaður sem fylgir því að endurskoðun ársreikninga verður skylda mun aðeins fást greiddur hjá skólunum með auknum álögum á nemendur eða foreldra þeirra, þ.e. hækkun á skólagjöldum.

Stjórn STÍR minnst umræðna um nauðsyn þess að lækka skólagjöld tónlistarskóla í borginni á áður nefndum fundi en því miður mun framkvæmd þess nýja ákvæðis í þjónustusamningum aðeins verða til að hækka skólagjöld tónlistarnema enn frekar. Af þeim ástæðum óskum við í stjórn STÍR eftir því við borgarráð falli frá kröfu um endurskoðun ársreikninga í þjónustusamningum. Óskinn nær til Reykjavíkurborgar (v/ grunnstigs og miðstigs) en snýr einnig að Jöfnunarsjóði sveitarfélaga (v /miðstigs í söng, framhaldsstigs og tónlistarnáms á háskólastigi).

Þar sem málið er aðkallandi og þegar hefur verið óskað eftir ársreikningunum frá skrifstofu skóla- og frístundasviðs óskum við eftir skjótum viðbrögðum.


Gunnar Guðbjörnsson,

Skólustjóri Söngskóla Sig. Demetz og formaður STÍR – Samtaka tónlistarskólustjóra í Reykjavík

gunnar@songskoli.is - s. 6634239